

En regurdientscha da dr. iur. Stiafen Sonder : (1911-2000)

Autor(en): **Caviezel, Fidel / Sonder, Stiafen**

Objektyp: **Article**

Zeitschrift: **Annalas da la Societad Retorumantscha**

Band (Jahr): **114 (2001)**

PDF erstellt am: **16.07.2024**

Persistenter Link: <https://doi.org/10.5169/seals-236660>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.


Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

En regurdientscha da dr. iur. Stiafen Sonder (1911–2000)



Il 15 d'ost 2000 ha dr. iur. Stiafen Sonder concludiu il cuors da sia veta. El ha contonschiu l'aulta vegliadetgna da 89 onns. Il 18 d'ost 2000 han ses confamiliars ed in grond diember amitgs ed enconuschents priu cumiau dad el sil santeri dalla Cuort a Cuera.

Scolaziun professiunala

Stiafen Sonder ei naschius il 5 da zercladur 1911 a Salouf. Leu ha el passentau ses onns d'affonza e da giuventetgna. Suenter las scolas da sia vischnaunca nativa ha el frequentau il gimnasis dalla claustra da Mustér e da Sarnen. Leu fa el igl onn 1933 la matura. A Friburg e Berna studegia el giurisprudenza. Suenter haver doctorau a Berna absolva Stiafan Sonder il practicum giuridic tier igl enconuscent advocat J. M. Curschellas ed el biro d'advocatura dil posteriur cusseglier guvernativ e cusseglier dils cantuns dr. Gion Darms. Quei practicum concluda el cugl examen d'advocat.

En survetsch dalla giurisdicziun

Tier igl uffeci cantunal d'inquisiziun da gliez temps surpren dr. Stiafen Sonder 1941 l'incumbensa d'in inquisitur ad interim. Dus onns pli tard va la reorganisaziun dalla procura publica en vigur. En quei connex vegn el eligius sco inquisitur en uffeci cumplein. 1948

surdat la Regenza grischuna a Stiafen Sonder igl uffeci da procuratur per giuvenils, in pensum ch'el ha ademplier cun cumpetenza e plein responsabladad tochen tier sia pensiun ils 30 da zercladur 1976. Sia la-vur objectiva, accumpignada da toleranza e loialtad, ha anflau tier la populaziun e las autoritads giudizialas stema e renconuschientscha. Stiafen Sonder appreciava il discuors aviert ed argumentativ. El saveva perschader. Cheutras ha el era anflau il contact e la confidanza dils giuvenils che stevan avon igl inquisitur ed il procuratur. A biars ha el dau buns cussegls per la veta futura.

Promotur dil romontsch

Gia sco giuven student s'engascha Stiafen Sonder en favur dalla tgira e dil manteniment da lungatg e cultura romontscha. Pli tard ha el fatg part da differentas ed impurtontas organisaziuns en survetsch dalla promoziun dil lungatg romontsch. Da menziunar ei en quei connex oravontut siu efficient engaschi ella Cuminonza Radio Romontsch (CRR), fundada igl onn 1946. 1954 vegn Stiafen Sonder eligius ella suprastanza dalla CRR. 1968 surpren el il presidi dalla CRR. En quella funcziun appartegn el a differents organs regiunals e naziunals dalla Societad svizra da radio e televisiun (SSR). Ella suprastanza centrala sco suprem organ executiv dalla SRR contonscha el 1976 il scalem da vicepresidente. 1984 seretila Stiafen Sonder dals uffecis el sector da radio e televisiun. El ei sefatgs fetg meriteivels per il svilup dallas emissiuns romontschas da radio e televisiun e consequentamein era per il manteniment e la promoziun da lungatg e cultura romontscha. La radunonza generala dalla CRR ha undrau Stiafen Sonder cul commembradi d'honnur.

Plinavon ha el apparteniu duront biars onns alla suprastanza dalla Societad Retorumantscha (SRR). Cun grond interess ha Stiafen Sonder observau e promoviu il svilup da quella organisaziun romontscha e dall'ediziun dil Dicziunari Rumantsch Grischun (DRG) e dallas Annalas. Biars onns ha el era cooperau el cussegl ed ella suprastanza dalla Ligia Romontscha.

La famiglia – il center da sia veta

Per Stiafen Sonder ei sia famiglia stada il center da sia veta: sia cara e prudenta consorta Lionie ch'el haveva empriu d'enconuscher duront

il temps da studi a Berna, ses dus affons ed ils affons da quels. Il bein-esser, la ventira da ses confamiliars fuvan siu fervent giavisch, in aspect ch'el ha duront sia entira veta tgirau cun gronda carezia. El ravugl da sia famiglia saveva el emblidar il cunfar da mintgadi e rimnar novas forzas per sia lavur. Per biars eis el staus in fidau collaboratur ed amitg. Sia veta entira ei Stiafen Sonder staus fideivels a sesez ed alla tradiziun da famiglia artada da ses perdavons. Ussa ei il cuors da sia veta consumaus. El resta a biars aunc ditg en buna memoria.

Dr. Fidel Caviezel, Cuera

